



**Жусипова Камила**

Мен үшін елімді дамыған елдердің сапына тұрғызып,  
санатына қосудан үлкен мақсат жоқ.

**Н.Ә.Назарбаев**

Қазақстан — қараса көз жетпейтін кең, таулары айбат, халқы мерейлі, ғажайып өлке.Салтанаты жарасқан қаласы бар, байтақ ұшан-теңіз даласы бар, аруақ қолдаған бабасы бар, алыс сапарға бел буып, кемемізді тәуекел дариясына түсірген елміз, елес үмітті емес, ерлік пен елдік мұратын кемеміздің тұғырына ту етіп байлаған елміз.Күннен-күнге көркіне көрік қосып, гүлденіп, ажарланған әсем қала, еліміздің бас қаласы Астанаға қарап-ақ еліміздің жаңа болашағын көруге болады.Жиырмамыншы ғасыр тарих сахнасынан сырғып түсуге санаулы жылдар ғана қалған кезде жалпақ әлемді өзіне жалт қаратқан жас Елорда жаңа заманның еңселі есігін айқара ашты.Бұрынғы Ақмоланың қорап-қорап құрылыстары мен кеңестік стильде салына салған көптеген қалалардан ешбір ерекшелігі жоқ сыртқы келбеті қуыршақтың қабыршағы секілді сыпырылып түсе бастады да,оның астынан неше түрлі ғажайып құбылыстарымен көздің жауын алатын әдемі көбелек іспеттес айдай ару Астана түлеп шыға келді.

Астанаға жолы түскен әр азаматтың жүрегінде өз Елордасының кескін-келбетінен, рухани күш-қуатына деген мақтаныш сезімі оянады. «Астана» сөзінің өзінде киелі ұғым бар. Ол біздің арман – тілегіміздің нақты жүзеге асуының белгісі. «Естігеннен көзбен көрген артық» демекші, Елорданы көзбен көргенде бойға асқақ сезім ұялап, көңілімізде асырады, көкке көтереді:

Аз уақыттың ішінде астрономиялық жылдамдықпен асқақтай дамып келе жатқан Астанамыз-үлкен бір тарихи кезенді артқа тастап, алға қарай қарыштай дамып, көркейіп келе жатқан еліміздің бас қаласы, болашағынан үміт күттіретін арман қала, жас қала. Есіле аққан ерке Есілдің екі жағасын көмкерген құрылыс қарқыны бір сәтке де бәсендер емес, қайта қарқындап дамып келеді.Немесе бір сәтке тоқтатып қалмай, мәңгі ұлғайып отыратын он сегіз мың ғаламдай

[Введите текст]

канатын кеңге жаюда...Мейлі қандай теңеу айтсаң да, айға таққан алқадай жарасып ақ тұр емес пе?

Кешегі астананы қазіргі астанамен салыстыруға болмайды. Астана бүгінгі күні танымастай өзгерді, өзінің бой көтерген әдемі ғимараттарымен, құрылыстарымен, халықарлық стандартқа сай жабдықталған мекемелерімен ерекшеленеді. Елордамыздың болашақта әлемнің ең керемет қалаларының бірі болтынына сенімдімін. «Астана – Қазақстанның жаңаруының нышаны, оның көп ұлтты халқының жасампаз күш-қутының куәсі. Бұл – соншалықты жеңіл тимеген заманының өзінде жаңа астанасын тұрғызуға бел шешіп кіріскен халықтың өзінің күш жігеріне деген сенімнің белгісі. Бұл – азаттық алған ұлттың өзінің гүлденген болашағының, ұрпағының келешегіне зор үміттің көрінісі.»,- деп Елбасымыз да Астана қаласының болашағына зор үміт артады.

Астана – қазақ елі болашағының қаласы. Мәдениеттің ошағы, ғылым мен білім ордасы. Астана – жасыл саябақтар мен бүгінгінің көкке таласқан алып Бәйтерек пен оның алтын дөңгелегі шұғыласына шомылып көркейіп келе келе жас қала. Бақытты балалардың шат күлкісі мен қарттардың мейірімді жүзі, студенттердің думанды кештері қаланың салтанатты өмірінің шырайы деуге де болады. Әлемді аузына қаратқан азуы қарыс алып шаһарларды мысалға келтірсең де, сол қаланың символы ретінде аттары қатар аталатын ғажайып ғимараты немесе маңызды мәдени монументі болады. Мәселен, Парижді ойға алсаң – Эйфель мұнарасы, Лондон десең – Биг-Бэн, Нью-Йорк болса, Азаттық ескерткіші деп кете береді. Жер бетіндегі «Ең жас астаналардың бірі» деген атаққа лайық Елордамыздағы осындай бір символдық ғимараттың керектігі әу бастан-ақ белгілі болып еді. Елордамыздағы дәл осындай ниетпен іргетасы қаланған «Бәйтерек». Әсіресе, өзінің әсемдігімен әсер еткен Есілдің сол жағалауында орналасқан жаңа ғимараттар болды.

Астананың бүгінгі көрік-келбеті, татулық туын желбіреткен тұрғындарының ізгілігі мен мәдениеті оның «Бейбітшілік» қаласы атанған биік мәртебесін одан әрі асқақтата түскені ақиқат. Бас қаланың бейнесі жыл өткен сайын абат нұрға бөленіп, жайнай түсуде. Қол жеткен нәтижелер Астананың мәртебесі мен көрік-келбетінің таяу болашақта әлем жұртшылығынан жоғары баға алатындығының кепіліндей. Ал бұл биік мақсаттың жүзеге асырылуы Елбасының, астаналықтар мен республиканың барша жұртшылығының абыройлы міндеті. Астана қаласы астана мәртебесін алғаннан бері тез өсіп келеді. Қазір ол ірі әкімшілік басқару, мәдениет, білім

[Введите текст]

орталығы. Онда ірі отандық банктер мен шет елдердің түрлі бизнес орталықтары, көптеген қонақ үйлер орналасқан. Мұндағы Парламент үйі, Астана холдинг, «Конгрессхолл» концерт орталығы, көпқабатты биіктігі 97 метрлік зәулім «Интерконтиненталь» қонақ үйі, «Бәйтерек» ескерткіші, «Перамида» - Халықтар достығының кіші ассамблея үйі және де басқа көптеген көрікті ірі құрылыстар осы заманғы сәулет талаптарына сай салынып, қала қонақтарын қатты таңдандыруда. Астанамыз еліміздің саяси – мәдени орталығына айналып отыр. Ал оның жарқын болашағы әлі алда деп ойлаймын. Біз тәуелсіздігіміз жылдан – жылға, жан – жақты қалыптасып келе жатқан жас мемлекетпіз. Бабаларымыз найзаның ұшымен, білектің күшімен қорғап ұлан-ғайыр жерімізге шаққанда халқымыздың саны аздық ететіні белгілі. Бірнеше мемлекет сыйып кететін кең байтақ далада жүздеген ұлтпен қосылғанда ғана 15 миллионнан әрең асып отырмыз. Сол аз да болса, береке –бірлікке ұйыған халқымыздың бас қаласы болған Астанамызды әлем жұртшылығы Қазақстан мәдениетінің орталығы, саясат кіндігі деп енді танып келеді. Бізге әлем қауымдастығы Орталық Азиядағы саяси – экономикалық жағынан мықты мемлекеттің бірі, ТМД – дағы жетекші ел деп қарай бастады. Бүгінде Астанаға көптеген елдердің елшіліктері қоныс аударып, біздің елмен ынтымаққа ұмтылып отыр.

Елбасымыз:«Елінің ұлы болсаң, еліңе жаның ашыса, азаматтық намысың болса, қазақтың ұлттық жалғыз мемлекетінің нығайып, көркею жолында жан теріңді сығып жүріп еңбек ет. Жердің де, елдің де иесі өзің екеніңді ұмытпа », - деген болатын. Бұл - елінің қамын ойлайтын нағыз жанашырдың, халқын шексіз сүйген ұлдың сөзі.Еліміздің ағасы Нұрсұлтан Әбішұлы Назарбаевтың Тәуелсіз Қазақстанды дүние жүзі мемлекеттердің ішінде төрден орын алуына бар күші мен жігерін, білімі мен төзімін көрсетіп, талайды тамсандырып келе жатқаны баршамызға аян.

Сенесіз бе, сенбейсіз бе? Небары он сегіз жылдың ішінде осы байтақ далады бұрын болмаған бүтіндей жаңа мемлекет «Тәуелсіз Қазақстан» ел көші түзелді.Осы Ұлы көшті Н.Ә.Назарбаев бастады.Арғы бергі заманда осындай ұлан-ғайыр мемлекет орнатып, халықтың көңілдегісін тауып, көкейіндегісін істеген Елбасшымызды Ұлы даланың тарихы білген емес..Көреген Елбасы еліміздің тек бүгінін ғана емес, ертеңгі гүлдеген өміріне де ойлы көзбен қарайды.Мен нағыз патриоты ретінде елімнің нұрлы да шуақты күндерінің боларына, білімді де өнегелі ұландарының жетістіктеріне, бүкіл әлемнің «Қазақстан! Қазақстан!» деп таңдай соғарына сенімдімін..Елбасымыздың жыл сайынғы Қазақстан халқына Жолдауын тыңдағаннан кейін рухани болашаққа үлкен серпеліспен қуатты сезінгендей боламын.Онда айтылған

[Введите текст]

бағыт-бағдарлар еңбек етемін, халқыма, еліме қызмет етемін деген адамды ізденістерге жетелейді. Жолдауда айтқан қай мәселе болса да, көңілімізден шығады. Зейнеткерлер мен жас балалы аналарға, еңбек адамдарына бюджеттік мекемелер қызметкерлеріне жасалған қамқорлық әрбір қазақстандықты қуантады. Осының бәрі-Елбасымыздың еңбегінің арқасы. Ол кісі елінің, жерінің дамуы, гүлденуі үшін аямай еңбек етуде.

Отансүйгіштік! Осынау бір сөздің астарында қаншама тұңғыық сыр, терең мағына жатыр десеңізші! Әр азаматтың өз еліне, Отанына деген ыстық сезімі, махабаты болмайды емес пе? Біздің республикамыз – Қазақстан. Қазақстан - әрбір қазақстандық азаматтың Отаны, туған жері, атамекені. Мен - өз Отанымның патриотымын, өйткені осындай қасиетті қазақ жерінде дүниеге келдім, осы жерде өстім, болашаққа үлкен мақсаттар қойдым. Бұл мақсаттар, әрине, өз еліммен өркендеуімен байланысты. Отан – ол сенің отбасың, достарың, туған-туысқандарың, туған жерің, туған елің. Әрбір адам бала кезінен «Қазақстан – менің Отаным, оның мен үшін жауапты екені сияқты, мен де ол үшін жауаптымын» деген ой салар сөзін бойымызға сіңіріп өсеміз. Елімнің тағдыры- біздің қолымызда.

Біз болашағымызды тікелей өз еліммен, Қазақстаныммен ғана елестете аламын. Елімнің ертеңі үшін аянбай еңбек ету, оқу оқып, білім игеру, жас тәуелсіз мемлекетіміздің іргетасының бекіту, ұлттар арасындағы ынтымақтастық пен достықтың нығайту - ең басты біздің парызымыз.

Президентіміз: «Қазақстанның болашағы – білімді ұрпақ» деп, еліміздің болашағын жастардың қолына тапсырады. Біз, яғни, жастар Елбасымыздың артқан сенімін ақтауға тиіспіз. Қазақстанның ертеңгі болашағы – жастар.

Қазақстан- бүгінгі қарқынды дамып, жарқын болашаққа нығыз қадам басып келе жатқан бірден-бір мемлекет. Біздер, жас ұрпақ, тәуелсіздігіміздің баянды болуы үшін жауапты екенімізді, аға ұрпақ зор сенім артып отырғанын түсінгеніміз абзал!

Біз еліміздің дамуын Елбасымыздың саралы жолымен, келешекті болжай білетін көрегендігімен байланысты қараймыз. Біз, осындай көшбасшы бар елдің жастары, болашаққа зор сеніммен қараймыз.

Мен өз жүрек жарды ойымды мына өлең шумақтарымен білдіргім келеді.

[Введите текст]

Бұл күнде қанат жайған жас қаламыз  
Еуразия кіндігінде бас қаламыз.  
Өркениеттің төрінде гүлденіп тұр.  
Еліміздің мақтаны Астанамыз  
Өз Барыстай биікке шыға аламыз  
Астананы көргенде қуанамыз  
Астанамен әлемді мойындатқан  
Елбасымыз кемеңгер Нұр ағамыз.  
Мыңдаған ғимараттар жарасады  
Бәйтерек аспанменен таласады.  
Көк байрағы көгінде желбіреген  
Нұрлы болар Астананың болашағы.  
Тату-тәтті тұратын халық та бар,  
Мәдениет, парасат та даңқ та бар.  
Елбасымен Астана тарих боп,  
Мыңдаған жыл ел есінде мәңгі қалар.